

bilten EEN mreže za Juli/August 2016



## **ELEKTRONSKE VIJESTI Juli/August 2016.**

**Poštovani,**

U ovomjesečnom broju elektronskog biltena Vam donosimo novosti objavljene na web stranici Vanjskotrgovinske komore Bosne i Hercegovine , listu otvorenih poziva/tendera, nove ponude preduzeća iz inostranstva, novosti partnera Konzorcija Evropske preduzetničke mreže (EEN) Federacije BiH, kalendar događaja poslovnog povezivanja kao i aktuelne informacije iz EU iz različitih oblasti.

### **Novosti Vanjskotrgovinske komore BiH:**

**Poziv za učešće na Međunarodnoj konvenciji „Aeromart“**



Vanjskotrgovinska komora Bosne i Hercegovine obaviještena je da će se Međunarodna konvencija „Aeromart“ održati u periodu od 29. novembra do 1. decembra 2016. godine u Tuluzu (Francuska). Zainteresovani za učešće na ovom događaju više informacija mogu pronaći u dokumentima u prilogu i na linku <http://toulouse.bciaerospace.com/en/>.

#### **Poziv za učešće na poslovnim susretima u Mađarskoj**



Trgovinska i industrijska komora Pečuh- Baranja, u okviru Evropske preduzetničke mreže, organizuje međunarodne poslovne susrete i konferenciju pod nazivom “Open4Business“ , koji će se održati od 19. do 21. septembra 2016. godine u Pečuhu (Mađarska).

Učesnici konferencije koji su pozvani iz različitih evropskih zemalja i poduzetnici će biti upoznati sa informacijama, iskustvima, najboljim praksama i inovativnim projektima.

Ovaj događaj će biti izvrsna prilika za sve zainteresirane za internacionalizaciju poslovanja, pronalazak prekograničnih partnera, klastere, te pronalazak partnera za istraživačke projekte.

Glavne teme događaja:

- Mašinska industrija (inženjerstvo, obrada metala i sl.),
- Nabava (plastika, automobilska industrija, elektronika),
- Industrija okoliša,
- Poljoprivredna industrija,

- ICT industrija i
  - Istraživanje i razvoj.
- Učešće na „Open4Business“ je besplatno. Registracija učešća je obavezna.

### **Poziv za učešće na poslovnim susretima- „GLOBAL MOBILE VISION 2016**



Korea Business Center Zagreb (KOTRA), neprofitabilna agencija za promicanje trgovine i investicija pri Veleposlanstvu Republike Koreje u Republici Hrvatskoj, poziva privrednike iz Bosne i Hercegovine na poslovne susrete u okviru najvećeg sajma mobilnih tehnologija u Koreji „GLOBAL MOBILE VISION 2016“, koji će se održati od 06.-08.10.2016. godine u Seulu.

Svrha ovih susreta je ostvarivanje kontakata i unapređivanje poslovne suradnje između južnokorejskih poduzeća i njihovih prekomorskih poslovnih partnera. Razvijenom tehnologijom i visokokvalitetnim proizvodima južnokorejske tvrtke pronašle su put do mnogobrojnih tržišta diljem svijeta.

### **Poziv za učešće na arapsko-austrijskom ekonomskom forumu u Beču**



Vanjskotrgovinska komora Bosne i Hercegovine obaviještena je da će se 8. arapsko-austrijski ekonomski forum održati 24. i 25. novembra 2016. godine u Beču pod nazivom „The Future of Fossil Energy and the rising renewable alternatives“.

Više informacija o predstojećem Forumu, koji organizira Arapsko-austrijska privredna komora (AACC) u dokumentima u prilogu i na [www.arabhellenicchamber.gr/](http://www.arabhellenicchamber.gr/).

## Poziv za učešće na Kongresu o vodama



Prvi BiH kongres o vodama održaće se u Sarajevu 27. i 28. oktobra 2016. godine u organizaciji Udruženja konsultanata inženjera Bosne i Hercegovine i institucija koje u Bosni i Hercegovini participiraju u upravljanju vodnim resursima.


Kongres će na jednom mjestu okupiti stručnjake, konsultante i istraživače, predstavnike javnog sektora i vlasti, te nevladinih organizacija iz Bosne i Hercegovine, susjednih država i EU, s ciljem analize dosadašnjih rezultata i budućih izazova u optimiziranju upravljanja vodnim resursima, posebno njihovom korištenju.

To je prilika za uspostavljanje snažnog i svestranog, interaktivnog foruma za podsticanje ulaska u novi razvojni ciklus, na bazi održivog korištenja voda u BiH.

Na Kongresu će se tretirati slijedeće tematske cjeline:

- Održivi razvoj i vode
- Vodna politika
- Strategije razvoja i planovi upravljanja vodama
- Saradnja sektora voda s drugim sektorima
- Finansiranje projekata u sektoru voda
- Kadrovi i obrazovanje u sektoru voda
- Aktuelne teme u sektoru voda

## 9. Međunarodna konferencija o prenosu tehnologije, Slovenija, 21. septembar 2016. godine



Centar za prenos tehnologija i inovacija pri institutu „Jožef Stefan“ Ljubljana, u saradnji sa Gospodarskom zbornicom Slovenije,

organizuje **9. Međunarodnu konferenciju o prenosu tehnologije**. Održavanje konferencije je planirano za 21. septembar 2016. godine, u Kongresnom centru Brdo blizu Kranja u Sloveniji.

Konferencija teži promovisanju razmjene znanja između akademske zajednice i industrije, u cilju jačanja saradnje i transfera inovacija iz istraživačkih laboratorija u industrijsku eksploataciju, a teme ovogodišnje konferencije biće : Istraživanje i inovacije u okviru Horizon 2020; Istraživanje i inovacije u drugim radnim programima; Istraživanje i inovacije za Evropu.

U proteklom periodu događaj je ugostio više od 2.500 učesnika, uključujući investitore, pronalazače, istraživače, stručnjake za komercijalizaciju, osnivače start-up-ova, eksperte industrijskog razvoja, isl. Takođe je uspješno organizovano šest takmičenja za nagrađivanje tehnologija sa najboljim poslovnim prijedlogom, koja su vodila do uspješnih start-up-ova i ugovora o licenciranju i do 11 godišnjih nagrada za najbolju inovaciju.

Tokom konferencije će biti održani istraživačko-poslovni sastanci (R2B), tokom kojih će predstavnici kompanija i istraživačkih institucija moći razgovarati o mogućim razvojnim rješenjima, izumima i komercijalno interesantnim tehnologijama. Ovi sastanci su odlična osnova za potencijalnu buduću istraživačku saradnju i poslovnu sinergiju. Prošle godine je više od 50 istraživača, menadžera i preduzetnika prisustvovalo partnerskom događaju.

#### **Međunarodna konferencija, Bratislava, Slovačka, 26-28. oktobar 2016. godine**



Od 26. do 28. oktobra 2016. godine u Bratislavi, Slovačka, održaće se Međunarodna konferencija ReinEU2016 (Reindustrijalizacija Evropske Unije 2016).

ReinEU2016 je prestižna manifestacija u oblasti nanotehnologije, naprednih materijala i proizvodnih tehnologija. Njen cilj je da se naglasi i da se diskutuje o ulozi nauke, istraživanja i inovacija kod održivog razvoja Evropske ekonomije u cjelini i sprovođenju reindustrijalizacije Evrope, u smislu povećanja udjela proizvodnog sektora u BDP EU sa trenutnih 16% na 20% u 2020. godini.

Konferencija će se fokusirati na uticaj istraživanja i inovacija na proizvodnju više tradicionalnih proizvodnih sektora, kao i njihov uticaj na konkurentnost. Sa ciljem postizanja veće zastupljenosti evropskih i međunarodnih zajednica iz oblasti istraživanja i inovacija, uključujući važne predstavnike iz poslovnog sektora, okupiće odlične istraživače, vrhunske donosioce odluka i vodeće inovatore.

Tokom konferencije će biti održani bilateralni susreti. Očekuje se učešće više stotina organizacija, te je ovo dobra prilika za upoznavanje novih potencijalnih poslovnih partnera ili klijenata. Moguće je dogovoriti sastanke sa do 20 partnera za jedan dan. Prisustvovanje ovom događaju je besplatno.

## **Međunarodni poslovni susreti „MEET4BUSINESS“ Agra2016, Slovenija**



Mariborska razvojna agencija (u okviru Evropske preduzetničke mreže), u suorganizaciji Vanjskotrgovinske/Spoljnotrgovinske komore Bosne i Hercegovine, organizuje međunarodne poslovne susrete „MEET4BUSINESS“ Agra 2016 u Gornjoj Radgoni, Slovenija. Održavanje susreta je planirano za 23. avgusta 2016. godine, u okviru 54. Međunarodnog sajma Poljoprivrede i prehrane „AGRA2016“.

AGRA sajam, sa pedesetogodišnjom tradicijom na mjestu sastajanja četiri zemlje EU, predstavlja najveći ekonomski i profesionalni događaj ove vrste u Sloveniji i širem regionu. Više od 150 profesionalnih i društvenih događaja se održava tokom sajma. Na njemu učestvuje više od 1.700 izlagača iz 30 zemalja, a predstavljaju se i sve ključne profesionalne institucije.

Ovaj događaj poslovnog povezivanja teži inicirati poslovnu i tehnološku saradnju putem prethodno dogovorenih 20-minutnih sastanaka. Osnova za sastanke je on-line katalog koji sadrži profile svih učesnika.

## **Novosti partnera Konzorcija EEN FBiH**

### **Zenička razvojna agencija-Zeda: Novootvoreni Impulsni centar u Zenici pruža mogućnost upotrebe savremenih tehnologija**

Impulsni kreativni centar je uspostavljan u okviru druge faze projekta MENTOR (Modern Economy through New Technology-Oriented Research), kojeg Evropska unija finansira u iznosu od 499.778 eura s ciljem podrške lokalnom ekonomskom razvoju u BiH, a provode partneri i sufinansijeri na projektu, Agencija ZEDA, Grad Zenica i Univerzitet u Zenici. Projektom je također predviđena uspostava ispitne laboratorije za proizvode građevinske stolarije.

Uspostava ovog Centra predstavlja jednu od važnijih aktivnosti projekta i u budućnosti bi ovaj Centar trebao postati mjesto okupljanja mladih ljudi kao i svih preduzeća u BiH, koja žele da unaprijede znanja i sposobnosti svojih uposlenika i da u svojim proizvodnim procesima primjene savremene tehnologije i opremu, koja proizvodnju čine efikasnijom i ekonomičnijom, a sama preduzeća konkurentnijim na domaćem i inostranom tržištu.

Ovim projektom će se također proširiti područje djelovanja laboratorije LIND na ispitivanje građevinske stolarije i fasadnih elemenata, te unaprijediti saradnja između Zeničke razvojne agencije s institucijama javne uprave (lokalnih, kantonalnih, entitetskih i državnih), malih i srednjih preduzeća (MSP), obrazovnih, istraživačkih, razvojnih i drugih sličnih institucija.

## **Poslovne ponude za Juli/August 2016**

### **EEN BiH PS 1 – Juli/August 2016**

Britanska firma koja se bavi dizajniranjem inovativnih i zaštitnih torbi za aktivne sportove (torbe za dasku za surfanje, torba za vesla, tora za golf opremu) je u potrazi za proizvođačima sportskih torbi. Ova firma posjeduje dugogodišnje iskustvo te je zainteresovana za OEM (proizvođače originalne opreme) iz Istočne Evrope. Firma koristi jedinstvenu kombinaciju materijala koji pružaju zaštitu opreme i lako se šije. Od potencijalnog partnera se očekuje sposobnost pri izradi velikih torbi koje mogu biti veličine od 1,4m duge i 0,3m široke i od 3,5m duge i 0,7 m široke. Očekuje se proizvodnja od 3.000 torbi godišnje.

### **EEN BiH PS 2 – Juli/August 2016**

Švedska firma koja je specijalizovana za dizajniranje i proizvodnju švedskih cipela (klompi) je u potrazi za partnerima kako bi proširili svoj asortiman i koji su zainteresovani za potpisivanje ugovora o proizvodnji. Glavno tržište švedske firme su skandnavske zemlje, kao i brojne američke i evropske zemlje. Od potencijalnog partnera se očekuje da izrađuje obuću od različitih materijala kao što su npr: drvo, koža.. kao i iskustvo u proizvodnji istih. Firma je zainteresovana za dugoročnu saradnju i insistira da proizvodi budu izrađeni od 100% prirodnog materijala. Ova firma pored toga želi da proširi svoj proizvodni asortiman gotovim proizvodima. Takođe traži i dobavljače materijala za izradu klompi.

### **EEN BiH PS 3 – Juli/August 2016**

Francuska firma (agent) koja je specijalizovana za prodaju prehrambenih proizvoda nudi posredničke usluge za evropske proizvođače. Ova firma je u potrazi za stranim kompanijama koje proizvode mesne prerađevine za restorane, mesnice, katering.... Firma već saraduje sa velikim brojem kompanijama koje se bave kateringom kao i mnogim hotelima i restoranima. Od potencijalnog partnera se očekuje proizvodnja visokokvalitetnih mesnih prerađevina za prodaju na francusko tržište.

### **EEN BiH PS 4 – Juli/August 2016**

Holandski proizvođač materijala za podove je u potrazi za novim dobavljačima kako bi proširili svoj portfolio. Ova firma je zainteresovana za potpisivanje distribucijskog ugovora. Firma se bavi online veleprodajom podne opreme čije su cijene kreću od 15 do 25 eura po kvadratnom metru. Firma proizvodi laminate, parkete i posjeduje stručne radnike koji ugrađuju podove. Shodno njihovoj online (elektronskoj) marketinškoj strategiji i uslugama u kombinaciji sa novim partnerstvima, firma očekuje minimalni obrt od 1,000,000 eura naredne 3 godine. Potencijalni partner može biti proizvođač podnog materijala koji bi dostavio inovativne i visokokvalitetne materijale.

#### **EEN BiH PS 5 – Juli/August 2016**

Bugarski proizvođač namještaja za domove, kancelarije, restorane, kafiće, barove, hotele ..... je u potrazi za proizvođačima materijala za svoje proizvode kako bi sklopili ugovor o proizvodnji. Firma je osnovana 1992 godine i posjeduje veliku reputaciju kao proizvođač jedinstvenog dizajna i kvalitete. Svi materijali koji se koriste u izradi namještaja su prošli neophodne testove evropskih standarda. Firma je u potrazi za dobavljačima materijala kao što su: -drvo (laminati, daske srednje i visoke gustine, hrast, drvo trešnje i oraha) - metal (čelik u obliku štapa, tube, aluminij); -staklo i plastika ; - trska i pruće ; - - poliuretanska pjena; -tapacirung; - prirodna vuna;- tekstilni materijali; - prava i eko koža; Od potencijalnog partnera se očekuje izrada manje količine materijala koji su izdržljivi , otporni, kvalitetni i zadovoljavaju evropske standarde.

#### **EEN BiH PS 6- Juli/August 2016**

Češka firma koja se bavi dizajnom namještaja je u potrazi za proizvođačima namještaja, poslovnim partnerima, dobavljačima fotelja, trosjeda, sofa....Firma je sposobna da sama proizvede i dizajnira namještaj, ali ima želju da vidi dizajn i drugih partnera. Namještaj mora biti izrađen od visokokvalitetnog materijala. Od potencijalnog partnera se očekuje da posjeduje iskustvo u proizvodnji i koji su sposoban izraditi namještaj po nacrtima i u manjim količinama, kao i da ponude idealna rješenja.

#### **EEN BiH PS 7- Juli/August 2016**

Poljski proizvođač odjeće za žene je u potrazi za proizvođačima materijala, opreme za šivenje i printanog tekstila radi sklapanja ugovora o proizvodnji. Firma je osnovana 2010.godine i prepoznatljiva je po proizvodnji ženskih bluza, pantolona, suknji, jakni, haljina i kaputa. Proizvodi se mogu naći na poljskom, njemačkom, belgijskom, norveškom i češkom tržištu. Ova firma je nagrađivana brojnim nagradama, a proizvodi su izloženi na raznim online portalima i prestižnim modnim žurnalima. Firma je u potrazi za partnerima koji proizvode – materijale- visokokvalitenu vunu, pamuk, kožu, svilu, lan, sintetiku, materijale pogodne za printanje, - proizvodi za šivenje; konci,trake , dugmad, čiška, rajsferšluse....

#### **EEN BiH PS 8 – Juli/August 2016**

Belgijska firma koja kroz veliki spektar aktivnosti djeluje kao agent u modnoj i tekstilnoj industriji i industriji kućnih proizvoda, traži nove dobavljače. Osnovna djelatnost firme je predstavljanje velikih fabrika malim firmama širom svijeta i nalaženje potrošača brendova u Belgiji, Francuskoj, Brazilu. Proizvodi mogu biti tekstilni, kožni, kao i sve vrste visokokvalitetnih i luksuznih proizvoda, kao što su odjevni



predmeti, pribor za muškarce i žene (kožna roba, nakit), modni detalji za dekoraciju (prekrivači, jastuci)...

#### **EEN BiH PS 9 – Juli/August 2016**

Mala konsultantska britanska firma sa velikim iskustvom i znanjem iz oblasti proizvodnje od masivnog drveta koja radi sa velikim brojem dizajn studija, traži nove dobavljače proizvoda od masivnog drveta. Od potencijalnih partnera se očekuje da imaju iskustvo u proizvodnji namještaja i drugih proizvoda/drvenih posuda za kućnu upotrebu. Tipične tražene mogućnosti uključuju CNC tokarenje drveta, testerisanje, oblikovanje i obradu. Serije isporuke bi bile relativno male (500-1000 komada), a od potencijalnih partnera se očekuje da pokažu spremnost za proizvodnju "neobičajeno" dizajniranih proizvoda. Firma nudi ugovore o proizvodnji i podugovaračkim aktivnostima.

#### **EEN BiH PS 10 - Juli/August 2016**

Hrvatska firma koja djeluje na polju metalurgije specijalizovana je za proizvodnju metalnih proizvoda nudi usluge distribucije stranim partnerima. Osnovne aktivnosti kompanije su: proizvodi napravljeni od kovanog željeza (kao što su cijevi- četvrtaste, trouglaste, ugaone), nehrđajućeg čelika, aluminijuma, cinka sa obojenim metalom (ploče, cijevi) i ostali metalni proizvodi (brave, cilindri i ručke). Ova firma se takođe bavi uvozom, izvozom i veleprodajom nudeći posredničke usluge (firma može djelovati kao predstavnik za potencijalne klijente radi prodaje njihovih metalnih proizvoda). Od potencijalnog partnera se očekuje iskustvo, profesionalnost, pouzdanost i potreba za predstavništvom na hrvatskom tržištu.

### **Otvoreni pozivi i tenderi**

"HORIZON 2020" je do sada najveći program EU namijenjen istraživanju i inovacijama sa budžetom od 79,4 milijardi eura za period od 7 godina, odnosno od 2014. do 2020. godine. Program ima za cilj potaknuti ekonomski rast i otvoriti nova radna mjesta u Evropskoj uniji. "HORIZON 2020" objedinjuje istraživanje i inovacije i djeluje u tri prioritetna pravca – "Vrhunska nauka", "Industrijsko vodstvo" i "Društveni izazovi". Za prvi prioritet namijenjeno je 24,4 milijarde eura, za drugi 17 milijardi eura, a za treći 29,7 milijardi eura. Subjekti kojima je namijenjen ovaj program su akademski sektor, državnim organizacijama, privredi, srednjim i malim preduzećima, udruženjima, nevladinim organizacijama itd. Bosna i Hercegovina je korisnik programa HORIZON 2020.

**HORIZON 2020:** (Excellent Science -Vrhunska nauka)

(Industrial Leadership - Industrijsko vodstvo)  
(Societal Challenges - Društveni izazovi)

<http://ec.europa.eu/research/participants/portal/desktop/en/opportunities/h2020/index.html>

(Klikom na pojedine pozive, dobićete sve informacije koji se odnose na konkretni poziv : opis poziva, ukupan budžet, rokovi, kompletnu projektnu dokumentaciju, itd.)

### **Radni program (2016-2017)**

[http://ec.europa.eu/research/participants/portal/desktop/en/funding/reference\\_docs.html#h2020-work-programmes-2016-17](http://ec.europa.eu/research/participants/portal/desktop/en/funding/reference_docs.html#h2020-work-programmes-2016-17)

### **Otvoreni pozivi u okviru " Horizon 2020 " za mala i srednja preduzeća**

<https://ec.europa.eu/easme/en/horizons-2020-sme-instrument#2016-2017>

(Klikom na ovaj link dobićete pregled aktuelnih poziva za mala i srednja preduzeća, a klikom na određeni poziv dobićete sve informacije konkretno za ovaj poziv)

### **HORIZON 2020: Energy efficiency call 2016-2017**

<http://ec.europa.eu/research/participants/portal/desktop/en/opportunities/h2020/calls/h2020-ee-2016-2017.html#c,topics=callIdentifier/t/H2020-EE-2016-2017/1/1/1&callStatus/t/Forthcoming/1/1/0&callStatus/t/Open/0/1/0&callStatus/t/Closed/0/1/0&+plannedOpeningDate/asc>

### **COSME**

Program **COSME** je novi program namijenjen prvenstveno malim i srednjim preduzećima (MSP) za jačanje njihove konkurentnosti na jedinstvenom tržištu Evropske unije. Program ima budžet od 2,3 milijardi eura i otvoren je za period 2014-2020. godine zajedno sa programom HORIZON 2020 . Program je pored MSP-a namjenjen regionalnim i lokalnim organizacijama kroz institucije koje djeluju na području poticanja, promicanja ili davanje podrške poduzetništvu. Cilj programa je da smanji administrativne i regulatorne poteškoće sa

kojima se susreću MSP-ovi i to kreiranjem povoljnijeg okruženja za preduzeća.

Napomena:

Bosna i Hercegovina je potpisala 02.06.2016. Ugovor o pristupanju u COSME program. Sada je u procedure ratifikacije međunarodnog ugovora u skladu sa Zakonom o postupku zaključivanju i izvršavanju međunarodnih ugovora.

**COS-SPOC-2016-02-03: Supporting businesses' expansion in the Internal Market by improving Points of Single Contact – Increasing awareness among entrepreneurs about the Points of Single Contact**

Rok za prijavu: 08/09/2016

**EUREKA** je evropska mreža za finansiranje tržišno orijentiranih projekata iz različitih tehničkih oblasti. Pokrenuta je 1985.godine od strane 17 zemalja članica iz Zapadne Evrope, a danas ima 38 punopravnih članica. EUREKA pomaže izgradnju partnerstva kroz zajedničke multilateralne projekte s ciljem jačanja evropske konkurentnosti. Program je namijenjen istraživačkim institucijama i firmama, spremnim da zajedničkim ulaganjima u određenim programskim oblastima zajedno razvijaju nova tehnološka rješenja i proizvode. Na projektu moraju sudjelovati najmanje dva partnera iz dvije različite države. Od 2009-te godine Bosna i Hercegovina je punopravna članica programa EUREKA.

**EUREKA** : <http://www.eurekanetwork.org/content/eureka-network-projects>

Rok za prijavu: do kraja 2016. godine

**Kreativna Evropa** je novi program Evropske unije za podršku evropskoj kinematografiji, te kulturnom i kreativnom sektoru s ciljem njihovog doprinosa održivom rastu i zapošljavanju. Program je namijenjen za davanje podrške očuvanju i promovisanju evropske kulturne i jezičke raznolikosti, te davanju podrške jačanju konkurentnosti sektora, čime će se doprinijeti ostvarivanju ciljeva EU2020 strategije. Kako se navodi na zvaničnoj stranici Evropske komisije [http://ec.europa.eu/culture/opportunities/index\\_en.htm](http://ec.europa.eu/culture/opportunities/index_en.htm) i evropskih fondova (europski-fondovi.eu), program Kreativna Evropa otvoren je za zemlje članice EU, zemlje članice EFTA-e, države pristupnice, zemlje kandidate i potencijalne kandidate Evropske unije, te za zemlje obuhvaćene politikom prema susjednim zemljama. Bosna i Hercegovina je u programu Kreativna Evropa od 2014-te godine.

**Kreativna Evropa: Distribution Automatic Support 2015**

[https://eacea.ec.europa.eu/creative-europe/funding/distribution-automatic-support-2015\\_en](https://eacea.ec.europa.eu/creative-europe/funding/distribution-automatic-support-2015_en)

Rok za prijavu: 02/08/2016

**Media :**

[https://eacea.ec.europa.eu/creative-europe/actions/media\\_en](https://eacea.ec.europa.eu/creative-europe/actions/media_en)

**Distribution :**

[https://eacea.ec.europa.eu/creative-europe/actions/media/distribution\\_en](https://eacea.ec.europa.eu/creative-europe/actions/media/distribution_en)

**Distribution- Support to sales agents:**

[https://eacea.ec.europa.eu/creative-europe/actions/media/distribution/distribution-support-sales-agents\\_en](https://eacea.ec.europa.eu/creative-europe/actions/media/distribution/distribution-support-sales-agents_en)

**Erasmus +** je novi program Evropske unije za obrazovanje, obuku, mlade i sport za period 2014. – 2020. godine. Program Erasmus+ obuhvata sve evropske i međunarodne programe, mreže, platforme i inicijative EU u području obrazovanja, obuke, mladih i sporta1. Namijenjen je učenicima, studentima, nastavnom i nenastavnom osoblju na svim nivoima obrazovanja, mladima između 13 i 30 godina, pojedincima, osoblju i članovima organizacijama koje rade sa mladima: sportskim radnicima, volonterima i sportistima.

[http://ec.europa.eu/programmes/erasmus-plus/calls/index\\_en.htm](http://ec.europa.eu/programmes/erasmus-plus/calls/index_en.htm)

[http://eur-lex.europa.eu/legal-content/EN/TXT/?uri=uriserv:OJ.C\\_.2015.347.01.0007.01.ENG](http://eur-lex.europa.eu/legal-content/EN/TXT/?uri=uriserv:OJ.C_.2015.347.01.0007.01.ENG)

**Sajmovi u BiH 2016.**

**Kalendar događaja poslovnog povezivanja**

**Vijesti iz Evropske unije po željenim oblastima**

S poštovanjem,

*Evropska preduzetnička mreža u Federaciji Bosne i Hercegovine*

**Vanjskotrgovinska komora Bosne i Hercegovine**



Selmanović Mersiha

Stručni saradnik za praćenje politike EU i projekte / Expert Assistant for monitoring EU policies and projects

SEKTOR ZA MEĐUNARODNE EKONOMSKE ODNOSI/ FOREIGN ECONOMIC RELATIONS DEPARTMENT

ODJELJENJE ZA EVROPSKU UNIJU I PROJEKTE/UNIT FOR EU AND PROJECTS

Vanjskotrgovinska/Spoljnotrgovinska komora Bosne i Hercegovine / Foreign Trade Chamber of Bosnia and Herzegovina

Branislava Đurđeva 10, 71000 Sarajevo Bosnia and Herzegovina

Tel: +387 33 56 62 42

Fax: +387 33 21 42 92

[mersiha.selmanovic@komorabih.ba](mailto:mersiha.selmanovic@komorabih.ba)

<http://www.komorabih.ba>; <http://www.een.ba>;

---

IZJAVA O ODRICANJU ODGOVORNOSTI: Sadržaj ove poruke i eventualno priloženih datoteka je povjerljiv i namijenjen je samo osobama ili subjektima koji su navedeni u adresi. Ukoliko ste ovu poruku primili greškom, molimo Vas, obavijestite pošiljatelja, a poruku i sve njene dodatke odmah, bez čitanja, trajno uklonite s računara. Bilo kakvo prenošenje, kopiranje ili distribucija informacija sadržanih u poruci trećim osobama je zabranjeno i može biti zakonski kažnjivo. Stavovi i izjave izražene u ovoj poruci ne odražavaju nužno službene stavove Vanjskotrgovinske/Spoljnotrgovinske komore Bosne i Hercegovine. Vanjskotrgovinska/Spoljnotrgovinska komora Bosne i Hercegovine ne prihvaća nikakvu odgovornost za eventualnu štetu nastalu prijemom ove poruke i priloga sadržanih u poruci. Hvala!

DISCLAIMER: The contents of this email as well as any files attached to it are confidential and intended solely for individuals or entities which they are addressed to. If you have received this email message in error, please notify the sender and permanently remove the message and all attached files from the computer. Any disclosure, copying or distribution of all or a part of information contained herein to or by third parties is prohibited and may be unlawful. The opinions expressed in this e-mail do not necessarily reflect the official positions of Foreign Trade Chamber of Bosnia and Herzegovina. Foreign Trade Chamber of Bosnia and Herzegovina accepts no liability for any potential damage caused by this message and files attached to it. Thank you!